



## VKB Vereinigt Kryyse Bewältiger

Basel steggt in grosser Noot  
Mir saage jetzt wos duure goot!

Die schönschti Stadt, das merggt me glyy,  
das ka doch numme Basel sy!  
Bewunderet vo alle Lütt,  
das isch doch wirrigg mee als nüt.  
En Erfolgsgeschicht ganz e irri,  
globbt vo Timbuktü bis uf Ziiri.  
Und d Basler, so hänn mir das gleert,  
sinn uff dr ganze Wält begeert.  
So het me bis vor kurzem kenne  
Basel s «Non Plus Ultra» nenne.  
Laider isch das alles umme,  
mir Basler sin, kurz gsait, die Dumme.  
Me muess es wirrigg nümme bewyysen  
Basel erlabbt die schlimmschti Gryysse.  
In där Stadt gits nüt me z lache,  
dr Letscht ka grad no s Lischet usmache.  
Byspül solle illustriere,  
wie me z Basel duet regiere.  
Me seet denn wos duet aanefehre  
und dass mir uns nur no blianiere.  
D Mäss Schwyz, dr Stolz vo unsre Babbe  
duet nonem letschte Suurstoff schnabbe.  
Basel World liggt schynts im Stärbe,  
das trotz intensivem Wärbe.  
Au d Wärmäss, löst me jetzt hange,  
es sinn nur no zwai Besucher gange.  
Au d Muba isch Vergangehait,  
d Mässelaitig hett das gsait.  
Well d Mässelandschaft andersch tiggt,  
hett me dr Kamm in d Wieschti gschiggt.  
D Mäss isch nit dr anzig Schregge  
wo me z Basel ka entlegge.  
Au d BVB es isch zem gruuse,  
schiessd d Millione nur so uuse  
und so wie d Drämmli fahre dien  
ergerisch d blau und grien,  
denn d Schime bröcksele wie Sand,  
dr Diräggonz fahits an Verstand.  
Und s Personal het d Nase voll,  
die finde s Schaffe au nümme toll.  
Ai Skandal folgt uf dr näggscht,  
wytter goot das so im Täggscht.  
Dr FCB, hett fröhner giale,  
hütt stolbre si nur über d Balle.  
D Clublatig wo nit vyyl verstoot,  
wär e Säage wenn si goot.  
Au d Uni kame bald begrabbe,  
si rutscht im Ranking als me abbe.  
Wells Baselbiet nümme zahle wott,  
macht au s Theater bald bangrott.  
D Barteie bringe au nüt z stand,  
die händle nur no miteneand.  
Esunders schwach isch au d Regierig,  
es fählt do anre ächte Fiehrig.  
D Frau Ackermäa das merggt me glyy,  
isch bim Regiere kai Genie!  
Dr Cramer fallt au us dr Norm,  
är kämpft no mit dr Schuelreform.  
Dr Wessels ei Provokation  
wartet nur no uff d Pension.  
Dr Baschi isch go Tesla kaufe,  
drum duet är sich jetzt d Hoor usraufe.  
D Eva Herzog, kämpft wos goot  
um e Platz im Ständeroot.  
Dr Brutschin luagt im Blaue Huus  
dr ganz Diag zem Fänschter uus.  
Engelsbergers Hauptgebiet  
isch firte mit em Baselbiet.  
Mit där Regierig, s isch z verstoo  
muess Basel jo dr Bach au goo.  
Bevor sich d Stadt komplett duet wandle  
mien mir jetze dringend handle,  
Drum gründe mir jetze e Bartei  
und mache Basel wider frei.

## VEREINIGT KRYYSSE BEWÄLTIGER

Mir Altgardische VKB  
hätt Basel, wärdets see.  
Das, trotz Gläsaug, falsche Zeehn  
und Kney wo nümme grad us geehn.  
Mir wooge jetz dä schwiirig Aggt,  
denn s hett is s Rettigsfeber paggt.  
S Barteiprogramm e Glanzidee,  
isch unsre Stolz das wird me see.  
Zersch muss d Regierig Fädere loo,  
d Regierigsrööt wärde entloo.  
d Grossrööt dien mir pensioniere,  
mir könne ohni die regiere.  
Denn dien mir s Rothuus usemische  
vo Lingge, Griene, Sozialische  
und baue us däm Mausoleum  
s erscht Regierigsroot Museum.  
Mir hänge an die leere Wänd  
Vo dr Regierig Gagestand.  
Vo dr Ackermäa d Gitarre  
Vom Baschi Dürr e Tesla Karre  
Vom Brutschin no e alte Stumpe  
Vom Morin sone Aazug Lumpe  
Vom Cramer d FCB Krawatte  
Vom Wessels nur dr ainige Schatte.  
Im Bäsch vom Huus, das wär nit dumm  
kunnts Zolli Ozeanium.  
S Bartei Programm hilft au extrem  
bim löse vo Verkehrsproblem.  
Mir dien für all Parkplätz baue,  
plani für uns, gross für d Fraue.  
D Schugger dien mir kommandiere  
zum Verkehrschild abmontiere.  
Au d Liechtsignal könne ewägg  
die hänn jo aneewägig kai Zwäg.  
Mir schigge s Bläch no USA  
dr Trump kaas für sy Muure ha.  
Schine wärde usegrisse,  
s Theater brucht si als Kulisse.  
Drämmli griege denn d Bulgaare,  
au wenn die gar nit Drämmli faare.  
Rollbänder gits denn in dr Folg  
in dr Stadt fürs ganze Volgg.  
Für d Schütteler vom FCB  
hänn mir au e Glanz-Idee.  
S Erscht wo mir dien unternää,  
jedem e eign Balle gää,  
drzue e Kompass und e Brülle,  
no duet sich s Stadion wider fülle.  
Und s Netz vom Gool kunnt vorne draa,  
so späre si dr eitli Maa.  
Ihr seehnt s Bartei Programm das stoot  
und zeigt wos künftig duure goot.  
Wotsch Mitglied wärde, mäld di aa,  
lüt in d Bartei Zentraale aa.

**D Ladännen-Uusstellig uff em Minschterplatz und d Waagen- und d Reggwyien-Uusstellig bi dr Kasäläre sin vom Mäntig zruscht bis am Mittwoch demorge. Deert und an de 3 Verkaufsständ in dr Stadt ka men au alli Zeedel und Schnitzelbäng, d Blaggedde und dr Rädäbäng kaale.**  
**D Zeedel-Läsedde isch am Sunntig no dr Fasnacht, vom Fimfi bis am Silbani zoobe in dr Baseldytsche Bihni im Lohnhof. Dr Ydritt isch ver-gäbe.**

**Buebe und Mailli kenne ab em 7. Altersjohr in dr Pfyffer- und Drumme-schuel vo dr VKB gratis e halb Johr go schnäbere.**  
Yschrybe kasch di im VKB-Kaller an dr Clarastross 57, im 2. UG am Mäntig, 18. Meerz 2019 vom Stäggs bis am Achi zoobe.

Meh Informatioone läse und Amäldige abschigge ka men unter:  
[www.vkb.ch](http://www.vkb.ch) bzw. [jungli@vkb.ch](mailto:jungli@vkb.ch)